

DAP: K'jaan gagal buktikan cubaan rampas kuasa
MalaysiaKini.com
June 13, 2012

Penasihat parlimen DAP, Lim Kit Siang berkata Kerajaan Persekutuan gagal membuktikan dakwaannya bahawa himpunan BERSIH 3.0 adalah satu cubaan rampasan kuasa.

Ini jelas terbukti apabila Menteri di Jabatan Perdana Menteri, Datuk Ser Nazri Aziz memberitahu Dewan Rakyat hari ini bahawa penyokong BERSIH boleh menumbangkan kerajaan menggunakan "garam dan botol mineral", kata Kit Siang dalam kenyataannya.

Nazri berkata demikian sewaktu menjawab soalan Kit Siang di Parlimen hari ini.

Ahli parlimen Ipoh Timur itu meminta perdana menteri menjelaskan alasan kerajaan menganggap perhimpunan BERSIH 3.0 pada 28 April sebagai cubaan merampas kuasa sedangkan peserta himpunan hanya membawa botol air dan garam.

Tiga mantan ketua polis negara - Tan Sri Musa Hassan, Tun Hanif Omar dan Tan Sri Rahim Noor - juga pernah mendakwa BERSIH merupakan cubaan rampasan kuasa, sekali gus menyokong pendirian Najib Razak.